

Կաթոլիկ եկեղեցից Ամերիկայում. Կաթոլիկ եկեղեցին Ամերիկայում ամենամեծ և հարուստ եկեղեցիներից մէկն է: Նամեծ կալուածներ ունի յատկապէս բաղամամարդ քաղաքներում և աշխատում է իւր հաւատացեալներին զետեղել նոյն կալուածների վերայ և եկեղեցու շուրջը, որպէս զի ամբողջ թաղամասեր կազմէ նրանցից և ընտրութիւնների ժամանակ իւր ներկայացուցիչներն ունենայ կամ կաթոլիկ պաշտօնեաներ նշանակել տայ այդ մասերի կառավարութեան համար: Օրաթերթերի մեծագոյն մասը նոյնպէս կաթոլիկների ձեռքն է և եպիսկոպոսների կամ միւս պաշտօնեաների գործառնութեան և շարժումների մասին մանրամասն լուրեր են տալիս: Կաթոլիկութիւնը Ամերիկայում աճում է յատկապէս Եւրոպայի կաթոլիկ տարբերի՝ լեհացիների, իտալացիների, իրլանդացիների՝ գաղթականութեամբ: Կաթոլիկ եկեղեցու հարստութեան մասին գաղափար տալու համար բաւական է յիշել, որ Նիւեորքում 160 միլիոն մարկի կարողութիւն ունի և միայն 24 միլիոն պարտք: Հոգևորականութիւնը մեծ ջանք է գործ դնում եկեղեցու հարստութիւնը մեծացնելու, նոյն իսկ միջոցների մէջ խարութիւն չդնելով: Պապականութեան ազդեցութիւնը Ամերիկայի կաթոլիկութեան վերայ համեմատաբար թոյլ է, և ժողովրդի մասնակցութիւնը եկեղեցական գործերի մէջ աւելի մեծ, քան Եւրոպայի կաթոլիկ երկրներում:

ԲՈՂՈՔԱԿԱՆ ԵԿԵՂԵՑԻ

Գերմանիայի Հաննովեր նահանգի մի խումբ պատտօրներ միացել են և մի ընկերութիւն կազմել «Աւետարանական ապատութիւն» անունով: Ընկերութեան ծագման պատճառը ներկայ ժամանակի արտաքոյ կարգի լուրջ և մի և նոյն ժամանակ յուսալից պահանջներն են: Ժամանակի լրջութիւնը ծագում է աստուածաբանական գիտութեան և եկեղեցու հակադիր դարգացումից, որ նկատելի է վերջին տասնամեակում ոչ միայն Հաննովերի, այլ և Գերմանիայի միւս իրօք պետութիւնների եկեղեցիներում: Հաննովերը, թէև քաղաքանապէս Պրուսիայի մի նահանգն է այժմ, բայց եկեղեցու ներքին անկախութիւնը մնացել է թագաւորութեան անկումից յետոյ ևս: Մինչդեռ նորագոյն աստուածաբանութիւնը պատմական-քննական եղբակացութիւնները կամենում է քրիստոնէական կրօնի հասկացողութեան և հաւատի հիմք դարձնել, եկեղեցական վարչու-

թիւներ, որ մեծ մասամբ պահպանողական պատուիրներէ ձեռքն է, ամեն միջոց գործ է դնում խափանել այն և ճնշել նորագոյն ուղղութիւնը: Բայց չնայելով սորան՝ օր ըստ օրէ աճում է եկեղեցու գիտնական աստուածաբանութեան և աւետարանական ազատութեան կողմնակիցների թիւը: Արդէն Հոննոյների նահանգի այլ և այլ կողմերում կային փոքրիկ ընկերութիւններ, որոնց նպատակն էր պաշտպանել և տարածել աւետարանական ազատութեան գաղափարը, բայց անցեալ դեկտ. 5-ին Հաննոյ վեր քաղաքում հիմնուել է մի ընդհանուր կազմակերպութիւն, որի նպատակն է միացնել բոլոր ազատամիտ պատուիրներին և աստուածաբաններին միացեալ ուժերով իրենց գաղափարները կեանքի մէջ իրականացնելու համար: Աինչդեռ պահպանողական կուսակցութիւնը վաղուց կազմակերպուած էր և եկեղեցական վարչութեան մէջ իշխող լինելով, աւելի նպատաւոր պայմանների մէջ է գտնուում: «Նորագոյն քրիստոնէութեան» ներկայացուցիչները դեռ նոր պիտի կազմակերպուեն և կարգադրեալ գործունէութիւն սկսեն: Սրանց ոգևորում է այն գաղափարը, թէ կոչում ունին եկեղեցին աւելի կենդանացնելու և քրիստոնէութիւնը ժողովրդական կեանքի հիմք դարձնելու, ջերմացնելով հետզհետէ դաւանաբանական տեսական խնդիրներով սառած սրտերը: Մէջ ենք բերում նորակազմ միութեան կանոնադրութեան էական կէտերը մեր ընթերցողներին որոշ գաղափար տալու համար:

Միութեան ընդհանուր նպատակն է կրօնական և եկեղեցական կեանքը ձևակերպել աւետարանական ազատութեան հոգեով. եկեղեցական աւանդական վարդապետութեան և նորագոյն աշխարհայեցողութեան մէջ եղած հակադրութիւնը կարելի է վերացնել միայն քրիստոնէական ճանաչողութեան և եկեղեցու կազմակերպութեան ներկայ կեանքին համապատասխան զարգացմամբ: Միութեան գործնական նպատակը աւելի պարզում է հետևեալ մանրամասնութիւններով:

Ա. Զարթեցնել, պաշտպանել և խորացնել կրօնական և եկեղեցական կեանքը կենդանի և ազատ բարեպաշտութեամբ:

Բ. Անկախ գործակցութեան հրաւիրել համայնքի չափահաս բոլոր քրիստոնէականներին:

Գ. Աջակցել եկեղեցու բարեգործութեան և արտաքին առաքելութեան, ինչպէս և այն բոլոր ձեռնարկութիւններին, որոնք նպաստում են ժողովրդի բարոյական և հոգեւոր յառաջադիմութեան:

Դ. Աւետարանի ազդեցութեամբ յառաջ եկած բոլոր ուղ-

դու թիւնները հաւատարութիւն:

Ե. Կոնֆերմացիային (պատանիների կրօնական քննութիւնը, որից յետոյ համայնքի մէջ են ընդունուում, կաթողիկոսների մէջ գրոշմը, հին եկեղեցու «երեսանների» ընդունելութիւնը համայնքի մէջ) զուտ կրօնական ձևակերպութիւն տալ, առանց ուխտի կամ երդման պարտաւորութեան:

Զ. Միական վարչութեան և ժողովների կարգաւորութեան մէջ բարեփոխութիւն մտցնել աշխարհական տարրը զօրացնելու ուղղութեամբ:

Է. Համայնքների ներկայացուցչութեան մէջ զօրացնել ազատ ուղղութեան տարրերը:

Ը. Համայնքների և դաւառական ժողովների ինքնահաւաստ վարչութեան և գործունէութեան իրաւունքն ընդարձակել:

Թ. Համայնքի կամ ծուխի մէջ ընդարձակել կանանց իրաւունքները:

Ժ. Պաշտպանութիւն ցոյց տալ ազատ, գիտնական քննադատութեան և կրօնական համոզումների արտայայտութեան համայնքի բոլոր անդամների, ինչպէս և պատտօրները և սուրբիչները համար:

ԺԱ. Ձեռնադրութիւնը կարգաւորել զուտ կրօնական տեսակէտով:

ԺԲ. Կրօնի ուսուցման ժամանակակից բարեփոխութիւն եկեղեցու և դպրոցի մէջ:

Միութիւնը իւր նպատակին հասնելու համար հետևեալ միջոցներն է գործադրում:

Ա. Ընկերութիւնների և նրանց անդամների կենդանի յարաբերութիւն միմեանց մէջ:

Բ. Կազմակերպում է դասախօսութիւններ և հաճաճաւորութիւններ:

Գ. Տարածում է թուուցիկ թերթեր:

Դ. Հրապարակային ցոյցեր է կազմակերպում:

Ե. Նպաստում է բարեկամ և դադափարակից մամուլին:

Զ. Հիմնում է գրամարկղ օգնութեան և արտաքոյ կարգի կարիքների համար:

Է. Միութիւնն ունի իւր յատուկ թերթը:

Chr. d. Chr. W.

Լուսերական եկեղեցին հիւսիսային Ամերիկայում.—Լութե-
րական եկեղեցին հիւսիսային Ամերիկայում 67 ժողով ունի

7703 պատուիրով և 133,827 համայնք: Հաղորդուողների թիւը 1905 թուին եղել է 1,842,339 հոգի: Պետութիւնից բոլորովին անկախ ծխական դպրոցների թիւը 4399 է, ուսուցիչների թիւը 2668, իսկ աշակերտներինը՝ 245,524 հոգի: Կիրականօրեայ դպրոցների թիւը 6667 է, որոնց պաշտօնեաների և ուսուցիչներինը՝ 67,233, իսկ աշակերտներինը՝ 664,693: Եկեղեցական վարչութիւնները առաքելութեան և ուրիշ նպատակների համար նուէր են հաւաքել 1,622,105 դոլլար: Նոքա 24 աստուածաբանական սեմինար ունին, 41 կոլլէջ, 38 ճեմարան, աղջկանց բարձր դպրոց՝ 10, հիւանդանոց՝ 25, որբանոցներ՝ 48, ծերունիների ապաստարաններ և ապահովատներ՝ 20, հիւանդապահութեան դպրոցներ կամ սարկաւադանոցներ՝ 8: Շրջիկ և ծովային առաքելութիւնների թիւը 13, իսկ հեթանոսների մէջ աւետարան քարոզողներին՝ 10, լութերական լրագիրներին թիւը 70, չհաշուելով կիրակնօրեայ դպրոցների 26 թերթերը: Բարեգործական և կրթական գործի համար ծախսուում է 12,184,166 դոլլար: Մատենադարաններ ունին, որոնց մէջ հաւաքուած են 424,926 հատոր գիրք: Բարձր դպրոցների ուսուցչապետների թիւը 945 է, ուսանողներինը՝ 12970, որոնցից 1624 հոգի արդէն քարոզչութեան պաշտօնի համար են պատրաստուում: Սորա վերայ պիտի աւելացնել 1903 ուսանողուհիներ: Բարեբարուած են հաստատութիւններէց 31,691 հոգի:

Ահա թուեր, որոնք ցոյց են տալիս, թէ Լւնչպիսի մեծ և կենդանի ոյժ է լութերականութիւնը հիւսիսային Գերմանիայում, մանաւանդ որ այս դաւանութեան պատկանողներից շատերը ցրուած են այստեղ և այնտեղ և համայնք չեն կազմում: Այս տեղեկութիւնները հանուած են Chronik der Christ. Welt թերթից:

Ա Ն Դ Ղ Ի Ա

Անգղիայում վերջին տարիները լուրջ կերպով աշխատում են, որ կիրակէն սուրբ պահեն: Այս հարցում միացել են քրիստոնէական եկեղեցու բոլոր պետերը, թէ անգղիական, թէ չռոմէական և թէ ազատ աւետարանական. այս մի նշանաւոր երևոյթ է: Յունուարի մէկին յիշեալ եկեղեցիների արքեպիսկոպոսները (Կենտրոնների, անգղ. Կաթոլիկ.) և ազատ աւետարանական ազգային եկեղեցու նախագահը դիմել են անգղիացւոց հետեւեալ հաւաքական թղթով: